

Na osnovu clana 89. i 125. Pravila Ekonomskog fakulteta u Sarajevu, Upravni odbor Ekonomskog fakulteta u Sarajevu je na XXXIII sjednici održanoj 17.06.2004 i 25.06.2004. godine, usvojio je

P R A V I L N I K
o disciplinskoj i materijalnoj odgovornosti studenata na
Ekonomskom fakultetu u Sarajevu
(Precišćen tekst)

I OPŠTE ODREDBE

Clan 1.

Ovim Pravilnikom reguliše se disciplinska i materijalna odgovornost studenata na Ekonomskom fakultetu u Sarajevu (u daljem tekstu: Fakultet), a naročito: povreda obaveza (discipline) studenata, disciplinske mjere i naknada štete, pokretanje i provođenje postupka utvrđivanja odgovornosti, rokovi, evidencije i druga relevantna pitanja.

Clan 2.

Odgovornost, iz ovog Pravilnika, može biti:

1. disciplinska, uslijed povrede obaveze (discipline) studenata, i
2. materijalna (naknada štete), kada je šteta prouzrokovana

Odgovornost iz stava 1. ovog clana temelji se na krivici ucinioca (subjektivna odgovornost).

Clan 3.

Postupak utvrđivanja odgovornosti je hitan.

Postupak utvrđivanja odgovornosti je javan, osim u slučajevima kada interesi studenta i javnog morala zahtijevaju isključenje javnosti o čemu odlučuje Prodekan za nastavu i naučnoistraživački rad (u daljem tekstu: Prodekan).

Clan 4.

Stručno-tehnicke i administrativne poslove vezane za disciplinsku odgovornost i prouzrokovanje štete od strane studenata obavlja Služba za pravne i personalne poslove Fakulteta.

Clan 5.

Ukoliko određeno pitanje nije riješeno ovim Pravilnikom, supsidijarno se primjenjuju:

1. opšta pravila o kaznenoj i imovinskoj odgovornosti, i
2. pravila Zakona o upravnom postupku

II DOMEN PRIMJENE PRAVILNIKA

1. *Lice sa statusom studenata*

Clan 6.

Pravilnik se primjenjuje na fizicko lice koje na Fakultetu ima status:

1. redovnog i vanrednog studenta dodiplomskog studija (stepen/stupanj VI-1 i VII-1);
2. apsolventa na dodiplomskom studiju, za vrijeme dok mu traje apsolventski status;
3. studenta na postdiplomskom studiju za sticanje naučnog stepena «magistra ekonomskih nauka» i stručni stepen «specijalista», i
4. studenta kojem taj status nije prestao na jedan od načina utvrđenih članom 105. Pravila Fakulteta.

Status studenta dokazuje se javnom ispravom koju izdaje Fakultet i odgovarajućim evidencijama koje vode Službe za rad sa studentima i Služba za nastavu Fakulteta.

2. *Lice koje nema status studenta*

Clan 7.

Na lice koje, u smislu ovog Pravilnika, nema status studenta, a prekršilo je pravilo ili pravila vezana za studiranje koja su utvrđena zakonom, aktima Univerziteta u Sarajevu, i aktima Fakulteta, primjenjuju se opšta pravila o krivičnoj i imovinskoj odgovornosti koja važe u Federaciji BiH.

Protiv lica iz stava 1. ovog člana Pravilnika, Prodekan podnosi prijavu nadležnom državnom organu.

III POVREDA OBAVEZA/DISCIPLINE STUDENATA

1. Opšta pozivanja na povredu obaveza/discipline

Clan 8.

Student se može pozvati na odgovornost u slučaju prekršaja (povrede) pravila koje je utvrđeno Zakonom o visokom obrazovanju Kantona Sarajevo, Pravilima Univerziteta u Sarajevu, Pravilima Fakulteta, odlukama organa upravljanja i odlukama Nastavno-naucnog vijeca Fakulteta, makar taj prekršaj i nije izricito predviđen kao lakša ili teža povreda obaveza studenata.

2. Lakše i teže povrede obaveza/discipline studenata

Clan 9.

Lakše i teže povrede obaveza/discipline studenata utvrđene su članom 90. i 92. Pravila Fakulteta.

Pored težih povreda obaveza kroz discipline studenata utvrđene članom 92. Pravila, težim povredama discipline, smatra se:

- vrijeđanje nastavnika, saradnika i zaposlenika Fakulteta;

3. Svojstvo u izvršenju povrede obaveze/discipline

Clan 10.

Povredu obaveze/discipline student može učiniti u svojstvu:

1. izvršioca ili saizvršioca (više lica),
2. podstrekaca,
3. pomagaca, i
4. prikrivaca.

Svojstvo i stepen krivice (krivnje) u izvršenju povrede obaveze utvrđuju se u postupku.

5. Mjesto izvršenja povrede obaveze/discipline

Clan 11.

Povreda obaveze/discipline može biti učinjena:

1. u bilo kojoj prostoriji u zgradi ili zgradama Fakulteta ili u neposrednoj blizini zgrade Fakulteta;
2. u prostorijama ili ispred prostorija u kojima se izvodi dislocirana nastava;
3. na svakom drugom mjestu, ako se preduzetim radnjama narušava ugled Fakulteta, drugog studenta ili studenata, nastavnika i saradnika ili nekog iz nenastavnog osoblja Fakulteta (na pr. Iznošenje neistinitih informacija, podataka);
4. na svakom drugom mjestu, ako se preduzetim radnjama namjeravalo steci neko pravo na protupravan način ili protivpravna imovinska korist (npr. falsifikovanje javne isprave koju izdaje Fakultet).

5. Vrijeme izvršenja povrede obaveze/discipline

Clan 12.

Povreda obaveze/discipline ucinjena je u periodu dok lice ima status studenta.

6. Primjena pravila na prouzrokovanje štete

Clan 13.

Pravila iz clana 7 do 12. ovog Pravilnika shodno se primjenjuju i na slucajeve prouzrokovanja štete.

IV DISCIPLINSKE MJERE I NAKNADA ŠTETE

1. Disciplinske mjere

Clan 14.

Disciplinske mjere za povredu obaveza/discipline su:

1. opomena, koja se izrice za lakšu povredu obaveza iz clana 90. Pravila Fakulteta;
2. javna opomena, koja se izrice kada je student istovremeno ucinio više lakših povreda obaveza ili je više lakših povreda ucinio u kratkom vremenu, i
3. isključenje sa Fakulteta u trajanju od jedne (1) do tri (3) školske godine, a izrice se za ucinjenu težu ili teže povredu obaveza/discipline iz clana 92. Pravila Fakulteta.
4. zabrana polaganja ispita 2 ispitna roka;
5. zabrana polaganja ispita 3 ispitna roka.

2. Princip individualizacije

Clan 15.

Prilikom izricanje mjere uzimaju se u obzir, narocito: motivi iz kojih je povreda obaveza/discipline ucinjena, posljedice koje je izazvala povreda, nacin izvršenja povrede obaveza, ranije ponašanje studenata, kao i njegovo ponašanje poslije ucinjene povrede obaveza/discipline.

3. Naknada štete

Clan 16.

Odgovornost iz osnova prouzrokovanja štete postoji, ako je radnja ucinjena namjerno ili iz krajnje nepažnje.

Naknada prouzrokovane štete obuhvata prostu (stvarnu) štetu u visini stvarnog oštećenja, uključujući i odgovarajuće troškove.

4. Kumulacija sankcija

Clan 17.

Odlukom o izricanju disciplinske mjere određuje se i iznos naknade štete, ako je šteta prouzrokovana.

5. Šteta ucinjena drugom licu

Clan 18.

Ako je student prouzrokovao štetu na imovini ili licnom dobru drugom licu, Fakultet ne odgovara za štetu.

V POSTUPAK ZA UTVRĐIVANJE POVREDE OBAVEZE/DISCIPLINE I NAKNADE ŠTETE

1. Prijava

Clan 19.

Prijavu o ucinjenoj povredi obaveze/discipline i prouzrokovanju štete, kada je došao do saznanja dužan je podnijeti:

1. svaki student,
2. svaki zaposleni,
3. Prodekan, po službenoj dužnosti, i
4. svako lice koje je angažovano na Fakultetu.

Prijava se može podnijeti pismeno ili usmeno, i sadrži narocito:

1. ime i prezime studenta ili studenata koji su ucinili povredu obaveza ili prouzrokovali štetu,
2. njihovu bližu identifikaciju,
3. opis radnje kojom je ucinjena povreda obaveza/discipline ili prouzrokovane šteta uz navodenje mjesta, vremena i nacina izvršenja, i
4. dokaze (javnu ispravu, svjedoke, druge dokaze)

Prijava se podnosi Prodekanu.

2. Pokretanje postupka

Clan 20.

Postupak za utvrdivanje odgovornosti pokrece Prodekan, svojom odlukom u formi pismenog rješenja.

Rješenje Prodekana o pokretanju postupka za utvrdivanje odgovornosti obavezno sadrži podatke iz clana 18. stava 2. ovog Pravilnika.

Rješenje o pokretanju postupka licno se urucuje studentu putem Protokola Fakulteta, uz obavezno uputstvo da može angažovati punomocnika.

Prije donošenja rješenja iz stava 1. ovog clana, Prodekan može odrediti da Služba za pravne i personalne poslove Fakulteta provede prethodne radnje u cilju provjere navoda iz prijave i pribavljanja dokaza.

3. Rokovi

Clan 21.

Postupak za utvrdivanje odgovornosti studenta za ucinjene povrede obaveza/discipline i prouzrokovanu štetu, ne može se pokrenuti niti voditi:

1. za lakšu povredu obaveze/discipline, po isteku šest (6) mjeseci racunajuci od dana saznanja za ucinjenu povredu ili prouzrokovanu štetu;
2. za težu povredu obaveze/discipline, po isteku dvanaest (12) mjeseci racunajuci od dana saznanja za ucinjenu povredu ili prouzrokovanu štetu.

Apsolutni rok zastare za utvrdivanje odgovornosti studenta za ucinjenu povredu obaveze/discipline i prouzrokovanje štete jeste dvanaest (12) mjeseci, racunajuci od dana kada je ucinjena povreda ili šteta prouzrokovana.

Ako učinjena povreda obaveze/discipline ima obilježje krivičnog djela (npr. falsifikovanje javne isprave), apsolutni rok zastare jeste onaj rok koji je krivičnim zakonom utvrđen za to djelo.

4. *Zakazivanje rasprave*

Clan 22.

Prodekan zakazuje raspravu za utvrđivanje odgovornosti za povredu obaveze/discipline i prouzrokovanu štetu.

Rasprava se zakazuje u prostorijama Fakulteta u toku radnog vremena.

Na raspravu se poziva student protiv koga je pokrenut postupak ili njegov punomoćnik i drugo lice čije je prisustvo neophodno.

Pismeni poziv za raspravu lično se uručuje studentu putem Protokola Fakulteta.

5. *Održavanje (tok) rasprave*

Clan 23.

Usmenu raspravu vodi Prodekan ili lice iz Službe za pravne i personalne poslove Fakulteta koje pismeno ovlasti Prodekan (voditelj rasprave).

Rasprava se održava u prostorijama, na dan i u vrijeme kako je utvrđeno u pozivu za raspravu.

Rasprava se ne može održati, ako studentu protiv koga se vodi postupak, odnosno njegovom punomoćniku poziv za raspravu nije uredno uručen.

Usmena rasprava se odvija prema sljedećem redoslijedu:

1. konstatovanjem prisustva pozvanih lica i utvrđivanjem njihovog svojstva (lice protiv koga se vodi postupak, svjedok, vještak, zapisničar i dr.),
2. citanjem rješenja iz člana 19. ovog Pravilnika,
3. davanjem izjave od strane studenta protiv koga se vodi postupak,
4. provođenjem dokaznog postupka: uvidom u javne isprave, saslušanjem svjedoka, uvidom u odgovarajuće evidencije koje se vode na Fakultetu, saslušanjem vještaka i dr.,
5. davanjem završnih izjava studenta protiv koga se vodi postupak, i eventualno, njegovog punomoćnika.

Rasprava se odvija postavljanjem pitanja i davanjem odgovora (kontradiktornost postupka).

Ako se rasprava ne može završiti na jednom ročištu, zakazuje se novo ročište, najkasnije za 15 dana.

6. Zapisnik

Clan 24.

Na raspravi se vodi zapisnik u koji se unose svi relevantni podaci vezani za tok rasprave iz clana 22. stav 4. ovog Pravilnika.

Zapisnik vodi lice koje odredi Prodekan iz Službe određene clanom 4. ovog Pravilnika.

7. Dostavljanje odluke

Clan 25.

Odlukom, kojom se odlucuje o disciplinskoj mjeri i naknadi štete, donosi Prodekan u formi pisanog rješenja, najkasnije osam (8) dana nakon zaključenja rasprave.

Rješenje iz stava 1. ovog clana sadrži, narocito:

1. ime i prezime studenta protiv koga se izrice mjera i podaci o njegovoj identifikaciji,
2. opis ucinjene radnje, mjesto, vrijeme i nacin izvršenja
3. vrstu disciplinske mjere (clan 14. Pravilnika) i iznos naknade štete (clan 16. Pravilnika), ako je student proglašen krivim,
4. obrazloženje rješenja,
5. pouku o pravnom lijeku i rok za podnošenje žalbe, i
6. potpis Prodekana i pecat Fakulteta, sa brojem i datumom rješenja.

Ako je student oslobođen od odgovornosti ili je postupak o utvrđivanju odgovornosti obustavljen, u dispozitivu rješenja se navodi izreka o tome uz sve ostale elemente iz stava 3. ovog clana.

Rješenje iz stava 1. ovog clana urucuje se licno studentu putem Protokola Fakulteta, ako je to moguće, u protivnom, primijenit će se odredbe Zakona o upravnom postupku.

8. Žalba

Clan 26.

Protiv rješenja iz clana 24. ovog Pravilnika student može, licno ili putem svog punomocnika, uložiti žalbu Upravnom odboru Fakulteta, kao drugostepenom organu.

Žalba se ulaže, najkasnije osam (8) dana, racunajuci od dana prijema prvostepenog rješenja.

Upravni odbor može prvostepeno rješenje: potvrditi ili preinaciti ili poništiti, u cijelosti ili djelimično.

Odluka Upravnog odbora Fakulteta je konacna.

9. Primjena pravila o upravnom postupku

Clan 27.

Na postupak utvrđivanja odgovornosti studenata primjenjuju se odredbe Zakona o upravnom postupku, ako u ovom Pravilniku nisu predviđena procesna pravila.

10. Evidencije

Clan 28.

O izrecenim disciplinskim mjerama i naknadi štete (clan 14. i 16. Pravilnika) vodi se posebna evidencija, koju ustrojava Prodekan.

Evidenciju iz stava 1. ovog clana vodi Služba za rad sa studentima, odnosno Služba za nastavu Fakulteta.

VI PRELAZNE I ZAVRŠNE ODREDBE

Clan 29.

Postupak koji je pokrenut protiv studenta prije dana stupanja na snagu ovog Pravilnika okoncat ce se prema odredbama ovog Pravilnika, ako je on povoljniji za studenta.

Clan 30.

Ovaj Pravilnik stupa na snagu osmog dana poslije dana njegovog objavljivanja na oglasnoj tabli Fakulteta.

Izmjene i dopune Pravilnika vrše se na nacin i po postupku predviđenom za njegovo donošenje.

Tumacenje Pravilnika i pojedinih njegovih odredbi vrši Upravni odbor Fakulteta.

Član 31.

Precišćen tekst ovog Pravilnika sačinjen na osnovu Pravilnika o disciplinskoj i materijalnoj odgovornosti studenata broj 01-385/03 od 18.02.2003. godine i Pravilnika o izmjenama i dopunama Pravilnika o disciplinskoj i materijalnoj odgovornosti studenata koji je usvojen na XXXIII sjednici Upravnog odbora od 17.06. i 25.06.2004. godine i zaveden pod brojem 01-04-1/04 od 28.06.2004. godine.

Precišćen tekst sačinio

Rukovodilac Službe za infrastrukturno održavanje objekata,

pravne, kadrovske i opšte poslove

Mustafa Teskeredžić, dipl. ecc.

PREDSJEDNIK UPRAVNOG ODBORA

Prof.dr Ismet Dautbašić

Broj: 01-04-4/04

Sarajevo, 08.07.2004. god.